

傷寒懸解

傷寒懸解自序

玉卮子滌慮玄覽游思曠垠空明研慳自負古今無雙甲寅之歲以誤藥粗工委棄試帖考鏡靈蘭之秘詎讀仲景傷寒一言不解遂乃博搜箋注傾瀝羣言縱觀近古傷寒之家數十百種歲歷三秋猶爾茫若仰鑽莫從廢卷長嘯魯鄙人之爲閉倪說之弟子以不解解之何者固不可解也是殆亦不可解矣丁巳仲春此心未已又復攤卷淫思日落神疲欹枕假寐時風靜月白夜涼如水素影半牀清夢一肱聿胥初回恍然解矣然後知羣公著述荒浪無歸彼方且涉澤迷津披榛罔路何以引我於康莊也吾聞適秦者立而至有車也適楚越者坐而至有舟也今適秦之車且東其轅適越之舟或北其首雖風利而馬良終身不至矣然則古聖之書晦於訓詁者固多而後人之心誤於箋疏者不少也伊時擬欲作解年歲貿遷日月纏迫腹稿荒殘零落不追乾隆戊辰以事滯陽邱賓於劉氏荒齋北枕長河南踞崇山修樹迷空雜花布地愛此佳勝低徊留之乃有著作斐然之志於是掩關靜拱據梧凝思靈臺夜闌玄鑰晨開遂使舊疑霧除宿障雲消蚌開珠露沙落金呈十載幽思三月而就起於春暮成於秋始時七月初三日也乃玄草甫成二毛生鬢感念此生於邑增懷昔蔡剛成欲以四十之年躍馬疾馳以就當世之業今春秋四十四年矣歲月不居時節如流不獲以未衰之身小有建立方枯心於尺素之中殫精於寸管之內日薄途脩行自慨也然文信不遷呂覽弗著西伯非囚周易何傳是巴蜀乃不韋之樂地羨里爲文王之吉宅也僕也愛此兩書不敢續尾今日頓啓靈源成茲玄構雖不能媲美前哲要亦可備一家之言也嗟乎仲景著書幾何年矣而千載塵封迄無解者今日之作縱爾散精勞神不得已也昌邑黃元御

傷寒論原序

余每覽越人入虢之診望齊侯之色未嘗不慨然歎其才秀也怪當今居世之士曾不留神醫藥精究方術上以療君親之疾下以救貧賤之厄中以保身長全以養其生但競逐榮勢企踵權豪孜孜汲汲惟名利是務崇飾其末忽棄其本華其外而悴其內皮之不存毛將安附焉卒然遭邪風之氣嬰非常之疾患及禍至而方震慄降志屈節欽望巫祝窮歸天束手受敗賈百年之壽命持至貴之重器委付凡醫恣其所措咄嗟嗚呼厥身已斃神明消滅變爲異物幽潛重泉徒爲啼泣痛夫舉世昏迷莫能覺悟不惜其命若是輕生彼何榮勢之云哉而進不能愛人知人退不能愛身知己遇災值禍身居危地蒙蒙昧昧蠢若遊魂哀乎趨世之士馳競浮華不固根本忘軀殉物危若冰谷至於是也余宗族素多向餘二百建安紀年以來猶未十稔其死亡者三分有二傷寒十居其七感往昔之淪喪傷橫天之莫救乃勤求古訓博采衆方撰用素問九卷八十一難陰陽大論臚藥錄并平脈辨證爲傷寒雜病論合十六卷雖未能盡愈諸病庶可以見病知源若能尋余所集思過半矣夫天布五行以運萬類人稟五常以有五藏經絡府俞陰陽會通元冥幽微變化難極自非才高識渺豈能探其理致哉上古有神農黃帝岐伯伯高雷公少俞少師仲文中世有長桑扁鵲漢有公乘陽慶及倉公下此以往未之聞也觀今之醫不念思求經旨以演其所知各承家技終始順舊省疾問病務在口給相對斯須便處湯藥按寸不及尺握手不及足人迎跌陽三部不參動數發息不滿五十短期未知決診九候曾無髣髴明堂闕庭盡不見察所謂窺管而已夫欲視死別生實爲難矣孔子云生而知之者上學則亞之多聞博識知之次也余宿尚方術請事斯語漢長沙太守南陽張機仲景撰

傷寒懸解後序

余少讀仲景書嘆其博大精簡囊括盡軒岐而後道具於此而章次凌雜多所難通研索傳注考證典籍
意旨各異端緒莫尋後得黃氏元御傷寒懸解綱領振舉條理綜貫積疑蓋釋豁然遂通乃知先代遺作淆
亂者多不有微識未易致理也夫時代變遷經典彫敝歲月遼遠章句疏殘況在醫籍珍乏者鮮仲景之書
成自建安下逮泰始已數十載其間海內多故兵燹叢集叔和搜探已乏原書拾掇方論編治成帙洎乎宋
代文理衍舛林氏校正重有收移迄今相沿又數百載長沙舊簡既不可考叔和所綱亦失其真轉輾糅雜
歧道紛錯溷寒溫之異候迷脈絡之條分而欲至緒常昭真理不晦豈可得哉宋元以來撰著者衆目治所
屈亦數十家瑕瑜互見純駁不一要皆未達元旨有乖明述而攷者爲之衍衍私智蔑視古法考其優劣
判若千里表其大指略具數端簡而失精變而不理未云篤守先尚通化既迷指歸復加損益此韓祇和龐
安時之爲也宋肱百問未絕糾牽士瀛總括無所匡定本之不務末乃益濶然而先哲未遠餘緒猶存理直
而謹辭雅而飭雖無當於至道猶未越於範圍較諸後起爲可采覽弔詭承謬因訛創議意執而懷旨偏而
圖誣先聖以佐口給泥病榻以就已法寒熱相背溷於一說外內顯別併爲一方則劉完素之爲也名雖祖
述實則操戈馬氏宗素復事發揚偏厲益甚去道愈遠破折規矩墮壞法紀流蕩不返譎異無制以古方爲
不可用以成法爲不必拘奇偶莫解而立沖和之湯緩急未燭而肆車推之殺則陶華爲尤悍焉至於一營
乍睹演爲經典寸智甫開自鳴專家率爾著書剽竊成帙或略而弗具或冗而徒繁紛紛紜紜復以十計本
非獨見無可指稱蓋自河間泄火大義已失節菴剗奪斯道遂亡而推其沿誤之由原於編次之紊使真本
具在則邪說自消而諸子詹詹惟事立異釐正之業略不究心降及元明王履始有脫文之疑方有執始發
錯簡之辨皆尋求原委排比事類剖析章句更定篇目

國朝喻昌承而闡之其說乃振顧妄欲刪削王失之愚未能會通方失之陋通評所議論氏爲優然而擇焉不精私心自役雖亦力闢迷途探索真宰以云美善瞠乎後焉若乃遊神千載之上宅心萬變之內以意逆志以理證道會立言之微旨揭作者之至意導巨源之千派掣勢緒之衆絲智獨析乎微芒憾不留乎毫髮則振古鑠今未有如黃氏之盛者也黃氏之學博究天人鉤致深遠而於是書尤爲精瞻振鑿緒於已絕辨衆惑於方說洵尾維持玉冊彰顯靈蘭剔弊反經厥善有四提挈陰陽界畫經緯二氣殊感而應以營衛六經遞及而統以巨陽府藏未入則總解於經風寒雜侵則不越乎表正始受之道關直中之誤善一也聚訟之盛莫若傳經爲順爲逆家執其承或循或越人異其說是皆以府爲經混傳於入未徹大旨誤解病情夫部分相比若堂室之毗連表裏攸懸猶高卑之殊致安能舍共由之路而遽覘內寢之門捐拾級之階而立據崇岡之頂於是發府藏傳入之理究陰陽衰盛之義陽盛入府陰盛入藏方其半入則經府相連及其全歸則陰陽偏厲啓祕奧於片語息橫議於立談善二也太陽爲宰少陽爲樞故於二經各標讓病經邪滲入復加誤治病勢轉變非復本經自此而入正陽爲胃實歸三陰爲藏寒隨證處方因逆爲治而味者不察僅割單詞以爲方法缺如略而不論不知救敗之法備於諸策失治之候詳於各篇一經編第燦若眉列判陰陽之去路著府藏之發源善三也陽明虛證終古不分少陰急下千秋未徹陽消陰長胃有轉變之機土燥水竭腎有淪亡之候理涉疑似必究其精義存隱顯獨得其是凡諸病狀剖抉無遺潛久沒之巨川薤叢生之枳棘長波注海經千折而靡停周道如砥歷九軌而無阻善四也嗚呼仲景著書已歷千載至於黃氏始得其傳今去黃氏又百年矣海內之大豈乏真藝而沉淪歲月厥用未彰且或詆其謬或譏其妄或東而不觀或聞而大笑豈入主已豈不可復動抑駁議過激反以取憎耶雖然刪訂之業歷萬古而常昭太元之作經幾傳而後著百世不惑以俟聖人十室之邑必有忠信遺編未泯則來哲難誣爰是鈎校刊布以永其傳

略舉利弊以告觀者庶幾自歎所得不事緘祕白諸同志以資商榷焉苟絕學未欲淪喪天挺才智必有賞
之者千載匪遙跂俟云爾

道光十二年秋八月陽湖張琦

仲景微旨

昌邑黃元御坤載著

寒溫異氣

傷寒溫病各不同氣素問生氣通天論陰陽之要陽密乃固陽強不能密陰氣乃絕因於露風乃生寒熱是以冬傷於寒春必病溫金匱真言論精者身之本也故藏於精者春不病溫冬傷於寒即冬不藏精之變文也陽生於春而盛於夏收於秋而藏於冬冬時地下之溫煖者陽氣之密藏也人於此際宜順天時以藏陽氣蓄藏者腎精之職精密則陽藏矣冬不藏精陽氣疏泄天當極寒之際人行盛暑之令相火炎蒸精液消亡是謂冬傷於寒此緣冬時腎精不祕陽飛火騰傷其寒水蓄藏之令氣非感冒寒邪冬時不病也一交春夏木火司氣內熱愈增偶因風露侵傷鬱其內熱則為溫病春為溫病夏為熱病時令不同名曰雖殊實一證也病因外感而根原內傷感在經絡而傷在藏府故病傳三陽即內連三陽之府病傳三陰即內連三陰之藏在藏府但熱無寒以其原有內熱因表鬱而裏發也六日經盡則藏府經絡表裏皆熱故曰三陰三陽五藏六府皆受病也素問熱論語傷寒中風本無內熱但因風寒外感而發病在經絡不在藏府陽盛而後傳陽明之府陰盛而後傳太陰之藏其視溫病之熱自內發者不同而病傳陽府則為熱病入陰藏則為寒病病入實裏氣之白病也其視溫病之表裏皆熱者亦不同也叔和混熱病於傷寒叔和叙例引熱病之文以釋傷寒寒熱始混遂啓後來傳經為熱之訛注傷寒者數十百家無不背仲景而遵叔和一論之誤遺禍千古此雖叔和之繆而實後人之愚仲景傷寒昭如日星後人一字不解無怪其狐惑於邪說也仲景而後醫法失傳非第傷寒雜病亦爾祖派已訛孫支愈經府妄按

不可勝數也

傳經大凡

傷寒傳經一日太陽二日陽明三日少陽四日太陰五日少陰六日厥陰日傳一經亦與溫病相同所謂發於陽者七日愈發於陰者六日愈一定之數也六日經盡邪退正復汗出面解纏綿之病與痲瘋病不同者溫病邪感於經絡而熱生於藏府傷寒中風原無裏邪不必定傳藏府陽旺而後傳府陰旺而後傳藏名曰傳府傳藏實藏府之自病也此不同也太陽經所謂傷寒一日太陽受之脈若靜者為不傳此不傳三陽之難也傷寒二三日陽明少陽證不見者為不傳此不傳陽明之府也少陽篇所謂傷寒二日少陽脈小者欲已也此不傳陽明之府也傷寒三日三陽為盡三陰當受邪其人反能食不嘔此為三陰不受邪此不傳三陰之藏也傷寒中風不傳藏府則有之無不傳經之理程氏以為傷寒不傳經果不傳經則仲景所謂發於陽者七日愈發於陰者六日愈太陽病頭痛至七日以上自愈者以行其經盡故也諸語不自相刺繆乎人之裏氣無虧二三日內或經傳陽明而汗解或經傳少陽而汗解亦偶爾見之此不過千百之十一未可以概尋常傷寒之家也

解期早晚

傷寒六經既盡自然汗解其六七日後經盡而不解者此非陽盛而入府即陰盛而入藏也程氏以為傷寒無定經而其傳其解亦無定日或從太陽而陽明或從太陽而少陽不必捫經或數日方過陽明或數日仍在太陽不必刻期或從太陽而解或從陽明而解不必遍周此皆入府入藏之病而誤以為經病故議論悖繆如此表邪汗解則已未經汗解則經熱內鬱日積日盛明日自當傳於陽明後日自當傳於少陽六日六經必然之事以六經部次相捫經熱不泄勢必捫經而內傳安有數日猶在太陽數日方過陽明之理又安有或從太陽而陽明或從太陽而少陽之理更安有或從太陽而解或從陽明而解之理惟

入府入藏則傳無定所解無定期邪盛則傳正復則解耳程氏較傷寒諸家稍有幾微之明而誤以裏病爲經病其於病傳病解之際語語悖謬他如節菴嘉言輩則夢魘之人耳

寒熱死生

溫病在藏府總是在內熱傷寒中風原無內熱藏府和平寒熱不偏榮衛不至內陷故六經既盡自能汗解陽盛則府熱內作從此但熱而不寒陰盛則藏寒裏動從此但寒而不熱入府入藏則榮衛內陷死機攸代解無定期矣陽盛而府熱則吉其死者陽亢而失下也陰盛而藏寒則凶其生者陰退而用溫也陽生陰殺顯見之理後世庸工乃至滋陰而伐陽泄火而補水一臨傷寒先有傳經爲熱之語橫塞胸中至於證脈陰陽絲毫不解人隨藥死枉殺多矣

榮衛殊病

肝司榮血肺司衛氣榮行脈中衛行脈外而總統於太陽之一經者以太陽在六經之表主一身之皮毛故也風則傷衛衛乘肺金之氣其性清降而收斂得風邪之疏泄而衛氣愈斂則榮鬱而發熱裏陽素旺者多傳陽明之府裏陽非旺不入府也寒則傷榮榮乘肝木之氣其性溫升而發散得寒邪之束閉而榮血愈發則衛鬱而惡寒裏陰素旺者多傳太陰之藏裏陰非旺不入藏也陰陽均平不入藏府榮衛無內陷之路是以經盡而汗解太陰主榮陽明主衛脾爲生血之本胃爲化氣之原也榮血之不陷者太陰之旺衛氣之不陷者陽明之旺太陰虛則府熱作而榮氣陷陽明虛則藏寒動而衛氣陷衛氣陷者陽復則生陰勝則死榮氣陷者陰復則生陽勝則死陰陽勝復之中生死攸關不可不察也

六經分篇

傷寒六經分篇非皆經病也六經之病總統於太陽一經其不入藏府而但在經脈者雖遍傳六經而未

經汗解則必有太陽之表證既有太陽表證則不拘傳至何經凡在六七日之內者中風俱用桂枝傷寒俱用麻黃此太陽之經病而實統六經之經病不須另立六經之法也惟陽盛亡陰而入陽明之府陰盛亡陽而入太陰之藏他經之裏證已作而太陽之表邪未罷此在太陽則爲壞病而在諸經則爲本病故於太陽立壞病之門而於太陽之外又設諸經之篇陽明篇全言府病陽明之經病如葛根湯證乃府病之連經非第經病也若桂枝麻黃二證則太陽之所統而復述於陽明者也三陰篇全言藏病太陰之桂枝少陰之麻黃細辛厥陰之麻黃升麻諸證皆藏病之連經非第經病也少陽篇半言藏病半言府病少陽居半表半裏之中乃表裏之樞機陰陽之門戶陽盛則入府陰盛則入藏少陽之經病如小柴胡湯證乃藏病府病之連經非第經病也蓋其胸脇痞硬是陽明太陰俱有之證緣其藏府脹滿壅礙膽經降路經府鬱迫故心脇痞硬而其寒熱往來吐利並作寒多則太陰病熱多則陽明病吐多則陽明病利多則太陰病若但在少陽之經而不內連於藏府不至如柴胡諸證之劇也若麻黃一證則太陽之所統而復述於少陽者也

六氣司令

人有十二經仲景傷寒但立六經者從六氣也少陰少陽陽明手經司氣而足經從化者也厥陰太陰太陽足經司氣而手經從化者也傷寒六經皆言足經而不言手經以足經周遍於身其部大手經祇行兩手其部小其實兩經同氣病則皆病主其大者以槩小者非足病而手安也諸言四肢厥逆疼痛則手亦在其內未嘗不病也足太陽膀胱以寒水主令手太陽小腸之火從而化寒手陽明大腸以燥金主令足陽明胃之土從而化燥手少陽三焦以相火主令足少陽膽之木從而化火足厥陰肝以濕土主令手太陽心之金從而化濕手少陰心以君火主令足少陰腎之水從而化火足厥陰肝以風木主令手厥陰心

之火從而化風此六經之膏也病則太陽是寒陽明是燥少陽是火太陰是濕厥陰是風而惟少陰則不從熱化而從寒化以火勝則熱水勝則寒病則水能勝火而火不勝水故從壬水而化寒不從丁火而化熱也至於陽明陽盛則從庚金而化燥陰盛則從己土而化濕不皆燥盛也陽明上篇是燥盛者陽明下篇是濕盛者至於少陽陽盛則火旺而傳府陽虛則火衰而傳藏不皆火勝也

一氣獨勝

六氣平和則一氣不至獨勝諸氣敗北一氣獨勝故見一府一藏之病陽莫盛於陽明陰莫盛於少陰曰陽明之爲病是少陰之水負而跌陽土盛者也曰少陰之爲病是跌陽土負而少陰水勝者也土勝水負則爲順水勝土負則爲逆陽明府病是土勝之證二陰藏病是水勝之證變理陰陽補瀉水土之與仲景既沒後世庸工一絲不解也

篇章次第

傷寒次第亂於叔和傷寒之亡亡於次第紊亂而下士不解也使次第非亂則傷寒雖元讀之不過二三年無不解矣僕於破襲紛亂之中條分縷晰復其次第之舊縱與仲景篇次未必悉合然而源委明白脈絡清楚傷寒之理著仲景之法傳矣叔和而後注傷寒者數十百家著作愈多而傷寒愈亡其中惟郊曾程氏頗識傷寒溫病之殊傳經爲熱之說而於三陰之病亦稍有解悟較之前人可謂庸中矯矯者矣惜理障太多疑叢滿腹其所解者百分之一至於仲景全理殆未升堂而視與也

卷首

仲景微旨 九章

卷一

脉法上篇 三十一章

卷二

脉法下篇 五十二章

卷三

太陽上篇 五十三章

中風 十五章

傷寒 九章

風寒雙感 四章

桂枝二越婢一湯四

大青龍證 二章
太陽入陽明去路

小青龍證 三章
太陽入太陰去路

白虎證 四章
太陽入陽明去路

白虎加人參湯九

太陽本病

桂枝湯一

麻黃湯二

桂枝麻黃各半湯三

桂枝二麻黃一湯五

大青龍湯六

小青龍湯七

白虎湯八

五苓散證 三章
太陽入陽明去路

五苓散十

文蛤散十二

抵當證 四章

抵當湯十五

傳經證 六章

卷四

太陽中篇 五十六章

太陽壞病入陽明 十五章

太陽壞病入太陰 二十一章

芍藥甘草湯十九

葛根黃連黃芩湯二十一

桂枝去芍藥加附子湯二十三

桂枝去桂加茯苓白朮湯二十五

梔子厚朴湯二十七

梔子豉湯二十九

梔子生薑豉湯三十一

桂枝加附子湯三十一

茯苓桂枝白朮甘草湯三十四

茯苓甘草湯十一

二白散十三

桃核承氣湯十四

抵當丸十六

太陽壞病

麻黃杏仁甘草石膏湯十七

甘草乾薑湯十八

新加湯二十

桂枝去芍藥湯二十二

桂枝加厚朴杏子湯二十四

厚朴生薑甘草半夏人參湯二十六

梔子乾薑湯二十八

梔子甘草豉湯三十

太陽壞病入少陰 十七章

芍藥附子甘草湯三十三

桂枝甘草湯三十五

茯苓桂枝甘草大棗湯三十六

桂枝加桂湯三十七

桂枝去芍藥加蜀漆龍骨牡蠣湯三十八

桂枝甘草龍骨牡蠣湯三十九

茯苓四逆湯四十

乾薑附子湯四十一

太陽壞病入厥陰 一章

卷五

太陽下篇 二十五章

太陽壞病結胸痞證

太陽壞病結胸證 十二章

大陷胸湯四十二

大陷胸丸四十三

小陷胸湯四十四

太陽壞病痞證 十二章

桂枝人參湯四十五

大黃黃連瀉心湯四十六

附子瀉心湯四十七

十棗湯四十八

生薑瀉心湯四十九

甘草瀉心湯五十

赤石脂禹餘糧湯五十一

旋覆花代赭石湯五十二

瓜蒂散五十三

卷六

陽明上篇 五十章

陽明實證

陽明經病 七章
府病連經

桂枝加葛根湯五十四

葛根湯五十五

葛根加半夏湯五十六

調胃承氣湯五十七

大承氣湯五十八

小承氣湯五十九

蜜煎導方六十

豬膽汁方六十一

麻仁丸六十二

卷七

陽明下篇 三十三章

陽明虛證 陽明入太陰去路

吳茱萸湯六十三

豬苓湯六十四

卷八

少陽上篇 二十二章

少陽本病 府病藏病連經

小柴胡湯六十五

柴胡桂枝湯六十六

小建中湯六十七

黃芩湯六十八

黃芩加半夏生薑湯六十九

大柴胡湯七十

卷九

少陽下篇 十六章

少陽壞病

炙甘草湯七十一

柴胡加龍骨牡蠣湯七十二

柴胡加芒硝湯七十三

柴胡桂枝乾薑湯七十四

半夏瀉心湯七十五

卷十

太陰全篇 十七章

太陰瀰症

四逆湯七十六

黃連湯七十七

桂枝加芍藥湯七十八

桂枝加大黃湯七十九

茵陳蒿湯八十

麻黃連翹赤小豆湯八十一

梔子柏皮湯八十二

卷十一

少陰全篇 四十六章

少陰藏病

麻黃附子細辛湯八十三

麻黃附子甘草湯八十四

附子湯八十五

甘草湯八十六

桔梗湯八十七

半夏湯八十八

苦酒湯八十九

豬膚湯九十

真武湯九十一

四逆散九十二

通脈四逆湯九十三

白通湯九十四

白通加豬膽汁湯九十五

桃花湯九十六

黃連阿膠湯九十七

卷十二

厥陰全篇 五十章

厥陰藏病

烏梅丸九十八

當歸四逆湯九十九

當歸四逆加吳茱萸生薑湯一百

乾薑黃連黃芩人參湯百一

麻黃升麻湯百二

白頭翁湯百三